

Avoka Distrik nan Suffolk County Rachael Rollins

Kanpe, Bloke epi Pale

KANPE BLOKE epi PALE

**Bay timoun ak fanmi yo
mwayen pou yo an
sekirite ak pale byen avè
moun anliy.**

Aprann ptit ou metòd pou **KANPE BLOKE PALE** a:

KANPE: Pran prekosyon avèk sa w ap afiche ak sa w ap pataje avèk lòt moun.

BLOKE: Nenpòt moun k ap anbete ou, nenpòt ki jan. Ou pa bezwen wont fè sa. Fè rapò pou yo, si sa nesesè.

PALE: Avèk yon moun ou fè konfyans, si gen yon bagay k ap anbete w.



AVOKA DISTRIK NAN SUFFOLK COUNTY
www.suffolkdistrictattorney.com
Instagram: @StopBlockTalk

SANT POU DEFANN TIMOUN NAN SUFFOLK COUNTY
617.779.2146 • www.suffolkcac.org



Instagram se yon pòtay entènèt pou pataje foto, kote yon itilizatè swiv yon lòt pou gade foto ak video, ak pou fè konvésasyon. Itilizatè yo dwe kenbe kont yo prive, epi pèmèt sèlman moun yo konnen pèsonnelman pou swiv yo. Kapab sèvi pou gade video an dirèk.



Snapchat se yon aplikasyon pou pataje foto / video / istwa, ki di li efase foto yo otomatikman apre yon tan. Men sèlman, yon moun toujou kapab konsève foto yo, kidonk se sèlman kontni apwopriye ki dwe pataje.



Twitter pèmèt itilizatè yo pataje tèks ki kout, oswa lyen, oswa foto. Kont yo dwe rete prive, pou pwoteje enfòmasyon pèsonnel ak anpeche moun ki pa otorize voye mesaj dirèk.



Facebook (avèk Messenger) se youn nan rezo sosyal pi popilè ki genyen sou entènèt. Ou dwe limite enfòmasyon pèsonnel ou yo, epi ou dwe fè atansyon lè pou afiche ak pataje enfòmasyon yo. Li kapab sèvi pou difizyon an dirèk. Messenger se yon zouti nan Facebook. Itilizatè yo kapab voye mesaj ak rele kontak yo genyen nan FB.



Kik se yon aplikasyon pou mesajri mobil, kote itilizatè yo kapab voye mesaj enstantane ak pataje foto youn ak lòt. Anpil fwa, konn genyen kontni an tèks oubyen foto dekolte sou pòtay entènèt sa a. Timoun dwe koresponn sèlman avèk itilizatè yo konnen pèsonnelman. Ou dwen gen laj 17an oubyen plis pou sèvi avèk li.

ask.fm

Ask.fm se yon pòtay entènèt ki pèmèt itilizatè yo poze kesyon youn ak lòt. Poutèt ànonima a, kesyon yo kapab dekolte oubyen vilgè, kidonk li enpòtan pou veye itilizasyon an.



Whisper se yon aplikasyon ki pèmèt itilizatè yo ekri yon "konfesyon" oubyen afiche yon sekre san yo pa di non yo. Itilizatè yo kapab fè kòmantè oubyen konnekte pou fè konvésasyon prive.



Tinder se yon aplikasyon pou randevou ki fasilité komunikasyon ant itilizatè ki enterese youn nan lòt, epi ki pèmèt moun ki konpatib fè konvésasyon. Itilizatè yo dwe pran prekosyon lè pou sèvi avèk aplikasyon sa a, paske li pèmèt wè kote moun lan ye.



Reddit se yon pòtay entènèt pou pataje enfòmasyon. Itilizatè yo mèt afiche nenpòt ki bagay, depi foto pou rive nan video ak istwa pèsonnel yo. Kontni an ka dekolte oubyen vilgè.



OU KA JWEN Minecraft, Madden, Call of Duty, ak lòt jwèt ankò anliy. Yo tout gen kapasite ki pèmèt fè konvésasyon, pale, gade foto ak video, epi anpil lòt ankò. XBox/PS4 menm jan avèk yon ödinatè / telefòn.



YouTube se yon pòtay entènèt pou pataje video, epi ou kapab antre ladan anliy. Itilizatè yo ka kreye pwofil pou lòt itilizatè enskri ladan yo. Pwofil yo dwe prive. Kapab sèvi pou gade video an dirèk.



TikTok se yon kominote video global kote itilizatè yo kreye ak pataje klip video ki kout (te konn rele anvan sa music.ly). Menm jan avèk piñan aplikasyon yo, li kapab genyen kontni ki dekolte, epi menm materyèl pónografi oswa ki montre moun k ap fè tèt yo mal. Menm si yon moun pa konnen yon lòt, yo kapab swiv kont ki piblik ak pataje mesaj enstantane, oubyen kòmantè ki pèmèt moun kominiye fasil. Piñan itilizatè yo chèche resewa anpil mak apresyasyon (like), oubyen jwenn moun k ap swiv yo, ak zanmi.



Fornite se yon jwèt video ki gen plizyè platfòm, kote pou dènye sivivan an rete kanpe. Itilizatè a kapab jwe poukout li oswa nan eskwad, epi timoun jwe la souvan avèk moun yo pa konnen, yo rankontre anliy. Si yo limen mikofòn ak opalè yo (ki nòmalman nan kasdekout la), moun ka jwenn konneksyon dirèk avèk pitit ou. Tanzantan gen gwo mo ki pase, ansanm ak pawòl sou kesyon sèks. Verifye kontwòl parantall la byen, epi veye si gen entrizyon V-buck k ap fèt.

Gade dèyè do a, pou wè konsèy sou jan pou pale avèk timoun sou kesyon sa a.

KANPE BLOKE epi PALE

K: Nan ki laj pou pitit mwen rive, anvan pou mwen pèmèt li sèvi avèk rezo sosyal oubyen jwe jwèt sou entènèt?

R: Lè pitit ou (avèk ou) ka gen yon bon konvèrsasyon sou sa li ka jwenn sou entènèt : materyèl sou kesyon sèks, pawòl ki gen gwo mo / imaj vilgè, ak predatè ki ka eseye antre an kontak avèk timoun lan.

Epi kenbe sanfwa ou: Si pitit ou di ou yon bagay ki fè ou sezi, eseye kenbe sanfwa ou, epi di li ou vle ede l. Pa mande pou kisa li pa te pale sou sa pi bonnè avèk ou. **Di li mèsi dèské li di ou sa kounye a.**

Resous anliy:

www.connectsafely.org

www.nationalonlinesafety.com

www.netsmartz.org

www.commonsense.org

Pou fè rapò sou yon imaj oswa yon video:
www.cybertipline.com

Pou Kòmanse

- Èske ou ka montre mwen kèk nan aplikasyon ou yo ? Kilès ladan yo ou ta ka di ou pi renmen?
- Ki aplikasyon ou verifye pi souvan?
- Ki aplikasyon ki fè ou plis plezi ? Kilès ladan yo ki konn pa fè ou plezi? Pou kisa?
- Èske ou ka montre mwen yon bagay ou jwenn sou TikTok ki fè ou anvi ri?
- Èske ou vle montre mwen kèk pwofil zanmi w sou Instagram?
- An nou gade ki foto yo mete, ak kisa yo ka aprann ladan yo.
- An nou li kèk nan kòmantè ki sou foto yo, pou wè si genyen ladan yo ki se yon bon oswa yon move lide.
- Kisa ou ta ka di sou YouTube? Ki videoyo ou pi renmen kounye a?
- Èske ou ka montre mwen kouman pou sèvi avèk Snapchat? Èske ou ka montre mwen kèk nan filt ou sèvi yo?

Pou Kontinye

- Èske janm gen yon moun ki afiche yon foto ou, ki fè ou pa santi ou alèz?
Kisa ou te fè lè sa te rive w?
- Èske ou janm resevwa yon tèks yon moun ou pa konnen voye ba ou?
Kisa moun sa a te di ou?

• Èske ou gen moun ki konn mande w enfòmasyon tankou laj ou, kisa ou renmen, elatriye?

Kisa ou reponn yo?

• Èske ou janm gen moun ki poze ou kesyon ki yon jan malelve?

• Èske gen nan kesyon sa yo ki anrapò avèk sèks?

Kisa ou fè lè sa a?

• Èske ou janm gen moun ki mande ou yon foto w? Epi ki di se yon foto toutouni lì vle?

• Èske ou janm gen moun ki voye yon foto toutouni ba ou ? Mwen konnen sa konn rive, kidonk ou mèt di mwen. Èske sa konn rive avèk youn nan zanmi w ? Èske zanmi w janm fè sa?

• Èske gen moun ki janm mande pou li kokntre avèk ou? Èske gen moun ki janm di l ap vin chèche w yon kote?

Kisa ou fè lè sa a?

• **Èske gen nenpòt kisa ou santi ou jennen pou ou di mwen ? Pa gen pwoblèm, ou mèt di mwen.**

• **Èske gen yon lòt moun ou santi ou ta ka pale avèk li, sou yon kesyon k ap anbete w?**

Mwen kontan anpil dèské ou montre mwen bagay sa a. Ou mèt pale avèk mwen nenpòt kilè sou bagay sa yo, epi pa gen anyen ki pral rive w si ou bezwen mwen ede w.

Si gen yon bagay ki twò difisil pou ou pale sou li, ou toujou ka ekri li.